

熙朝名臣實錄

熙朝名臣實錄卷七

秣陵 焦 竑 輯

知府姚公

姚善字克一，湖廣安陸人。爲諸生時，扁讀書所曰待旦軒。會稽唐之淳爲之銘。洪武中鄉舉，歷祁門丞、同知、廬州重慶三十年，擢知蘇州府。善洞達政體，張弛寬密，允協時宜。數造請郡賢，考求治道，稍因俗救正，吏民回嚮，轉稱大治。爲列郡最，隱士王賓居陋巷，善往候舍，車詣門，賓問爲誰，曰姚善，賓乃開門延語。及賓報謁，面府門再拜而返。又將候韓奕，奕避入太湖，善歎曰：韓先生可謂名可聞而面不

可見者錢芹自守甚高善願見不得有俞貞木者以明經
見重于善月朔望必延致學宮講經書訓士一日饋米于
貞木誤送芹所芹受之吏覺其誤詣貞木以告貞木曰錢
先生不苟取與今受不辭必仰府公之賢耳善聞之欲往
候仍先使人道意芹對使者曰芹誠願見然芹民也若明
公弘下士之風請俟月朔會于學宮善如期至迎芹置上
坐請質經義芹曰此士子之業公今有官守何不詢時務
善益起敬請問今日急務芹出授一簡竟不交一言而出
善視之皆戰守制勝之策時靖難兵已出北平善于是密
結常鎮嘉松四郡守訓練民兵相約勤王而荐芹爲行軍

司馬建文元年善至京師畫策防禦建文用漢破七國策
貶齊黃于外善言于朝曰人有文武才畧可扶顛濟危者
反置散地不用今事已狼狽須急召之詢其姓名不對再
三詢之曰今人才豈有過于黃大卿者遂復召還二人四
年詔善兼督蘇松嘉常鎮五郡兵勤王未及職文皇卽
位索子澄甚急于澄避善所約共航海善謝曰公可去善
不可去公朝臣四往號召圖興復善職守土義當與城存
亡子澄遂去善爲麾下許千戶等縛見文皇詰善曰若
一郡守乃敢舉兵抗我邪善厲聲不遜歲時年四十三子
節誦成賀縣千戶所幼子繼兒蘇州坐配保兒項兒習匠

正德十一年湖廣巡撫秦金祀善鄉賢祠韓奕潛心理學
尤精于醫洪武初累薦不起所著有韓山人集

知府陳公

陳彥回字士淵福建莆田人父立誠歸安丞被誣論歿家
破彥回謫戍滇南弟彥困遼東彥回未入滇家人多道然
比至蜀唯彥回與祖母郭存會赦又弗原監送者憐而縱
之又貧不能歸乃往依定遠知縣黃積良稱黃姓積良罷
依南充縣丞于中和已而閬中教諭嚴德政荐彥回明經
爲保寧府學訓導三考至京承顧問陞平江知縣至平江
閏十三月上崩彥回入臨給事中楊維康荐彥回文學

廉幹陞徽州知府至徽數日政教一新士民感悅建文元年春以循良受上賞是冬大母郭氏卒承重徽父老走京乞留會彥回衰經赴闕疏乞得復陳姓奪服留徽除彥困戍藉葬郭徽郡北十里北山之陽彥回時走山中哭故徽人名爲太守山云靖難兵至江上彥回糾義勇勤王文皇卽位械至京歿籍其家

知府王公葉公

王璉字器之日照人以賢能荐洪武中授寧波知府璉自奉儉約一日見饑兼魚肉大怒令撤而瘞之號埋羹太守靖難兵至江上璉造船取海道勤王爲衛吏卒縛至京見

文皇文皇問造船何爲璉徐對曰由海道趨瓜州截路耳
文皇亦不怒釋還田里鄞人黃學憲潤玉贊璉曰富貴不
淫患難奚恤神明其心始終一德

知府葉惠仲名見恭以字行浙江臨海人初任廣武衛知
事陞知縣建文初以知縣充史官修高廟實錄二年同
考禮部陞知府永樂元年二月坐修實錄時書靖難事爲
逆黨論死籍其家

知縣顏鄭二公

附胡夫子有爲弟邱友晏壁

沛縣知縣顏伯瑋江西廬陵人名瓌以字行聰敏介直能
文章建文元年以賢良徵授沛縣知縣靖難兵起淮北民

終歲給軍餉，伯瑋征戢有方，民不告勞。三年六月，比兵掠濟寧，游兵過沛，沛人竄匿。伯瑋設法招徠，會設豐沛軍民指揮司，集民兵五千人，築堡備禦，尋調三千人益山東兵。是月望日，靖難兵攻沛，伯瑋遣縣丞胡先百夫長邵彥莊間行至徐告急，都督援兵竟不至，度不能支，令其弟珏與子有為還，曰：汝歸白大人，子職弗克盡矣。題詩察院壁曰：太守諸公鑒此情，只因國難未能平。丹心不改人臣節，青史誰書縣令名。一木豈能支大厦，三軍空擬築長城。吾徒雖死終無憾，望采民艱達聖明。是月二十二日夜二鼓，靖難兵入東門，指揮王顯迎降。伯瑋冠帶升堂，南拜慟哭曰：

臣無能報國，遂自經死。時年五十，有爲不忍去，復還見父屍，遂自刎以從。珥脫走濟寧，逾月還沛，詢邑人知胡先已收葬伯瑋父子于沛南關外，乃至徐，告伯瑋友人晏璧，璧與伯瑋同郡，官于徐，因爲伯瑋傳其事。伯瑋善事父母，友于兄弟，睦于族姪，鄉黨稱其六行無異辭，以故守令知而荐之。及爲沛令，數以事至徐，又同督運德州，每連床共食，談誦慷慨，練達機宜，深喜鄉郡之有人，屬縣之得賢長吏也。古語云：謀人之軍師，敗則死之；謀人之邦國，危則亡之。若伯瑋，寄百甲之命，素志已定，視死如歸，賢于人遠矣。觀此，璧亦行誼君子也。正統中，御史彭勗爲伯瑋起墳祠祀。

之

蕭縣知縣與恕，字本忠，浙江仙居人。寧波知府禮聘爲員國訓導，未幾陞蕭縣知縣。留心撫字，民愛敬之。建文四年，靖難支將王聰攻破蕭，死之。年五十六，後籍其家。二女當配，亦死。子法，避寇，避法，護北平種田。

縣丞劉公

劉亨，字嘉會，廬陵人。博學，二十五年，以賢人君子徵，辭親老歸養。久之，復舉，繼興行，人對稱。旨命說書華蓋殿，尋言事件執政，出爲壽州訓導。三十一年冬，建文詔求言，亨言文武並用，久長之術，而六卿秩卑于五府，當

並爲一品國子祭酒師表天下士位不當在太僕下諸武臣子弟他日當授之兵宜立學教之使知事上使下禮義之道多見采用陞武進丞靖難後有言亨昔在建文時上書改舊制者又坐他事罷歸亨遂杜門不復出及薦修永樂大典力辭疾湖廣廣東聘考試官皆不就宣德中監察御史尹崇高復言亨學行雖老可爲師表官亨造朝自言年將八十不足任教事上曰伏生九十尚傳經八十教官何不可亨懇辭吏部尚書郭璉曰孔子言老者安之宜聽還鄉自便得歸正統中年八十二卒

吏目鄭公等九人

附朱亨等二百九十八人

史目鄭華浙江臨海人字孝思洪武十八年進士初授行人奉使川廣有令名建文元年詿誤謫東平州吏目靖難兵起謂其妻蕭曰吾義必死奈親老汝少何妻泣對曰君能爲國妾獨不能爲君乎乃稱病送還家時州長貳以靖難兵再至盡棄城走華獨率吏民憑城守力不支不食五日死

主簿唐子清不知何許人在沛有善政民愛之願知縣守沛專調兵食一切避察事皆付子清靖難兵執子清欲殺之將兵者欲且留子清不屈死

典史周縉字伯紳武昌人以太學生授永清典史廉謹攝

令事捕蝗弭盜靖難兵起永清地近燕縉極力拒守縣民寡弱相率逃散縉度不可爲懷印南奔將他圖道聞母喪歸終喪卽出糾義旅勤王戎器數日略具聞南師燬遂去匿民間壬午十月吏部言前北平屬州縣官朱寧等二百九十人當皇上靖難時俱棄職遠避宜置法典命入粟贖罪屯戍興州有司遂械縉至京謫興州居數年子代還年八十終于家吳文定公嘗爲縉傳以故得獨傳朱寧等二百九十人竟不可考

典史黃謙亦不知何許人以儒生爲沛縣典史果敢能戢下頗知縣禮遇之益効力盡職靖難兵欲執至徐招降謙

不屈死。

松江同知者不知其姓名勤王詔下同知榜募義勇入援極言大義感動人心并述靖難之兵乖恩違義文皇卽位械至京磔于市。

盧振靖難兵起與徐輝祖齊黃謀豈攻守効力爲多靖難兵畏之壬午秋逮至不屈榜振名數其罪殺之夷其族。

牛景先禦靖難兵數有功金川門失守景先變姓名易服出走死蘆寺中已而竊治齊黃黨逮景先妻妾發教坊司河濬建文中從將校戮力戰守靖難後不屈死妻王氏子蠻兒皆沒官。

謝昇當建文時練兵給餉夙夜劬勞靖難後不屈死振景
先璿昇皆不知何許人亦不知其始所自起任何官或曰
璿諸城人

李禿翁曰當時吏目官主簿官典史官皆能死守不辱
如此若松江同知知其官名而不知其姓名若牛景先
周璿謝昇并盧振等四人知其姓名又不知爲何官雖
然猶愈於朱寧等二百九十人官名姓名兩失而兩無
傳也此後學後生者之罪不敢不以爲恨也

舉人劉公

劉政字仲理長洲人聰敏力學治春秋建文元年秋方孝

器試畿輔士題命論語托孤寄命章得政卷喜曰此鳥中孤鳳當虛左處子是科登賢書二百十四人政第一四年建文遜位殺孝孺政慟哭不食死或曰政在永樂中誓不復仕投徒終其身

李宏甫曰劉政兩處皆得君師義一劉政義在其師孝孺義在故主等死矣安有兩死不死亦無二

典史魏公

魏澤字彥思涇水人有學行洪武中累遷至刑部尚書先是文皇南下姚廣孝曰殿下至京幸全方孝孺殺此人則天下讀書種子絕矣文皇曰然比至京建文遜去召

孝孺孝孺忤 旨因有滅十族等語遂械繫獄然以廣孝
言猶未殺孝孺日收捕其族黨每捕至輒下獄林孝孺終
不屈乃盡殺之澤是時謫爲寧海典史當捕方氏悉力保
護周旋以故方氏有遺育謝文肅公詩所謂孫枝一葉者
澤之力也後過孝孺故居爲詩悲悼詩曰筍輿衝雨過侯
城撫景令人感慨生黃鳥向人空百轉清猿墮淚只三聲
山中自可全高節天下難居是盛名却憶令威千載後重
歸華表不勝情

卓吾曰劉政爲其師魏澤爲其友嗚呼世無若人則師
友之道絕矣

教授陳公

附

伍性原

陳應宗

林珏

鄒君默

曾廷瑞

呂賢

陳思賢廣東茂名人洪武末爲福建漳州府儒學教授以
忠孝行誼勗諸生隨材教育多所成就文皇靖難詔至
漳州思賢放聲大哭曰明倫之義正在今日遂堅卧不出
迎詔率其徒伍性原陳應宗林珏鄒君默曾廷瑞呂賢卽
明倫堂爲僖君哭臨如禮郡人執送京師思賢暨六生咸
以身殉或曰咸死于道嘉靖中提學副使邵銳立祠祀之

教諭王公

附

十積

女靜

王省字子職江西吉水人洪武五年領鄉薦至京詔免
會試命吏部次第擢用省以親老乞歸養尋以文學徵

上親試，稱旨。當殊擢。省自陳才薄，親老，乞便養，得浮梁教諭。外艱起復，改睢陽。凡八年，又改濟陽。靖難兵至，省爲游兵所執，從容引譬，詞義慷慨，衆舍省，省歸坐明倫堂，伐鼓集諸生，謂曰：「若等知此堂何爲名？明倫。今且勿多論，只說君臣之義何如？」省大哭，諸生亦哭，遂以頭觸柱死。女靜適卽墨簿周岐鳳，聞靖難兵至濟陽，謂父必死，三遣人往訪，竟得遺骸歸葬。省子禎爲夔州通判，亦抗節死賊中。

生員高公

高賢宗，濟陽儒學諸生也。受學於教諭王省，建文中，貢爲國子生。靖難兵攻濟南不下，以箭射書城中，使亟降。賢宗

時在城中作周公輔成王論射城外請罷兵靖難後執
文皇曰此作論秀才邪秀才好人命官之賢寧固辭其友
紀綱時爲錦衣指揮倖用事勸賢寧就職賢寧拒不聽君
以軍旅發身我本書生食祿有年於義不可綱言於上
得遺歸年至九十七卒

李宏甫曰此人頗近自然唯不失吾正氣而已故亦自
然不損了正氣也

燕山衛卒

儲福無錫人建文末挈母妻以逃文皇卽位詔換購
戍卒入伍至燕山福在錄中乃調雲南曲靖衛福仰天哭

曰。吾雖一介賤卒。義不爲叛逆之臣。在舟中。且夜泣不止。竟不食而死。母韓氏。妻范氏。爲營地葬。福。范有姿色。年尚幼。奉姑甚謹。每哭其夫。則走山谷中大號。不欲使姑聞。官有聞其色。欲委禽者。問知其事。則曰。此節孝婦。安可犯。一日往澗邊浣衣。見水邊有草類蘓蓆。因取以織蓆。售以養姑。姑至七十餘。終范亦八十外。乃卒。卒後。蓆草遂不生。上人義之。卽其居葺爲菴。集尼居之。名崇孝菴焉。嗚呼。此卒此婦。可謂真方正學之高弟矣。可敬也哉。

山西清遠戍卒

羅義者。靖難兵起。詣闕上書乞息兵講和。又錄其上燕王

書言殿下聰明英武。今之周公也。宜謹守燕土。以法周公。輔成王之義。殿下以濟國敵。朝廷卽遂其願。猶爲不可。况萬難無一易哉。乞早息兵。歸國。書上。下義獄。建文四年六月。文皇出義干。獄擢戶科給事中。未幾陞湖廣左叅政。

李宏甫曰。此術卒見識。勝方正學十倍。人亦何必多讀書哉。嗚呼。以全盛之天下。金湯之世界。付與講究周禮。精熟大學衍義之大學士。不四年而卒敗。可畏哉。書也。

金川門守卒

龔翔者。字大章。崑山人。年十八。爲門卒。守金川門。堵難兵。

由金川門入。翊大哭。宣德中周巡撫忱兩薦爲崑山太倉學官。謝曰。翊仕無害於義。恐負往日城門一勸耳。竟隱終身。門人私諡爲安節先生。

李宏甫曰。此人質任自然。可與之共學矣。在門堵爲孔門上上品。非正學所能教也。

國子博士黃公

附 郎解史給舍四十餘人

黃彥清不知何許人。建文四年彥清以在駙馬都尉梅殷軍中私諡建文坐死。并逮從子貴池典史金蘭等繫獄。殷言彥清實不在軍中。金蘭等得釋。金蘭後官至知縣。南京故老言建文己卯庚辰間法網疎濶道不拾遺有得鈔於

衢者輒拂其塵土置高潔處以石鎮之而去一時士風朴實尚義者多靖難兵入京之久郎御史給舍四十餘人相與縋城遁去詰朝御史以聞文皇不問已而深山窮谷中往往有齋販自活禪寂自居如所謂雪庵和尚者可愛可悲

雪庵和尚

附 杜景賢

和尚名暨不知其姓靖難初方黃之獄殺幾萬人卽不殺謫戍窮邊不死于道而死于邊者又幾萬人當是時和尚壯年始鬪哭落髮爲僧西南走順慶大竹善慶里里墟中有隱者杜景賢知其非常人也與之遊往來白龍諸山山

杜景賢、順慶、奇士

有松栢灘、灘水清駛、蘿篁森蔚、和尚欲寺焉、景賢卽爲之、
寺、寺成、和尚率其徒數人來居、斯夕、誦經、山中人謂且誦、
佛經、乃不知其誦易乾卦也、景賢曰、和尚相釋而誦、儒不、
可、請誦佛經、乃和尚亦知景賢意、遂誦觀音經、和尚好觀、
楚詞、時時買楚詞、袖之、登小舟、急棹灘中、流朗誦一葉、輒、
投一葉于水、投已、輒哭、哭已、又讀終卷、乃已、景賢知之、亦、
不問和尚好酒不戒酒、日注酒一壺、俟客至、輒飲、客無客、
卽拉牧豎共飲、飲半、酡呼兒童歌曰、我歌爾和、歌竟、瞑然、
已寐、和尚頽形、秀爽、指茶白剪剪、落筆成文、雖不甚工、絳、
而意氣渙發、能感怡人、或曰、和尚當建文壬午爲御史、不、

數月建文遜位和尚因秘跡以死死之日其徒問曰師卽
死宜銘何許人和尚張目曰松陽問其姓名不荅和尚有
詩若干篇今且百四十餘年尚未敢顯行于世或曰此松
陽葉希賢也以賢良方正舉爲監察御史

河西傭

附 莊浪魯家

河西傭不知何許人建文四年夏六月靖難師入金陵傭
披葛衣走是冬至金城行乞市中金城邊地極寒傭嘗衣
葛衣明年過河西依莊浪豪魯家爲傭傭取直稍稍積買
羊裘披而覆以故葛衣葛益破縷縷竟不肯脫夏或衣暑
布布卽新故葛衣輒覆其上傭錢稍有餘走市中買牛肉

真酒與市中乞兒共飲食、備力作倦、時自吟嘆、或夜聞其
哭泣聲、永樂中有留都官從宋總兵至莊浪者、識備欲與
語、備走南山中避之、旬月留都官去、乃還有問留都官備
何人者、留都官亦不答、在莊浪數年、病且死、呼主人謝之、
且囑曰、我死勿殮我棺、幸西北風起、火我無埋我骨、魯家
從其言、

補鍋匠

川中補鍋匠亦不知何許人、往來夔慶間、爲人補鍋、至州
邑、不過三日、卽去、去或復來、夔慶人有欲學補鍋者、卽教
之補鍋、不索謝錢、直令負擔、從有後曹學補鍋者、至卽教

之補鍋而令先學補鍋者去如是數年夔慶間人皆呼補
鍋者爲老鍋匠云補鍋或與錢布米不擇當食時與之食
卽不索錢錢稍積遇風雨寒暑不出補鍋但坐食寄宿蕭
寺而已一日於夔州市上逢馮翁彼此相顧愕然已而復
相持哭哭已乃相牽入深巖中對語竟日學補鍋之流屏
不得聞其語但見其語已又相持哭乃別去曰自今永缺
不復相見也後竟不知其所終蜀中蛾眉亭嘗有建文遺
臣題詩云一箇忠臣九族殃全身遠害亦天常夷齊死後
君臣萬力爲君王固首陽

馮翁東湖樵夫

馮翁亦不知何許人在夔州以章句教童子能爲對句及古詩詩成輒自題馬二字或馬公武塞馬先生每作詩輒大書壁間比見補鍋匠後卽剷去前後所題詩詩有傳者曰夜夢何奇特龍飛天漢津朝橫滄海曲夕過溟池濱光燁皆五色蜿蜒無損鱗淵田變化間張主藉高旻時蓋永樂甲申乙酉間耳未幾葬主人去莫知所終

東湖樵夫者樵浙東臨海東湖上也日負薪入市口不二價建文壬午秋詔至臨海湖上人相率走縣庭聽詔或歸語樵夫曰新皇帝登極樵夫愕然曰皇帝安往曰燒官自焚樵夫大哭遂投東湖水中死竟不知何許人投水

而死。又何緣故也。

鄭端簡先生曰。余聞之陶徵士。言齊二客魯兩生。史並失其名。操行之難。而姓名翳然。撫卷長嘆。不能已已。余獨幸夫雪庵諸君子。忍誥茹荼。卒晦其明。以不滅其族也。

郎中梁公等二十餘人

附 王詔 鄭僖

郎中梁田玉。定海人。靖難兵入金陵。與葉御史俱。髡髮爲僧。避去。久之。松陽人王詔。遊治平寺。覩轉藏。聞藏上。嘖嘖有聲。異之。令人緣藏上。登頂。無所見。唯見一卷書。載建文時。出亡臣僚二十餘人事。紙毀漚。字多斷爛。不可讀。讀數日。稍稍詮錄其可識者。得田玉。郭良。梁中節。梁良用。宋和。

郭節、何洲、梁良玉、何申、凡九人。人僅數言，詔憐其忠，又得之異，各贊數語。題曰：忠賢竒秘錄。贊田玉曰：行儒名釋，知我者誰，至寶淪沒，父而同輝。

中書舍人梁良玉，與梁郎中同族，靖難兵入，訣妻子，易姓名，挾微貲走，出金陵城，逾嶺至海南，寓市肆，粥書爲業，以死贊曰：忠臣蹇蹇，遵彼海濶，統書翫市，資以盍簪，屯如遭如，哀此陸沉。

中書舍人宋和、郭節，皆不知何許人。靖難後，變名，挾卜筮書，走異域，賣卜，給衣食，客死。

何洲，海州人，不知仕何官。與宋和、郭節友善，素以忠義相

靖難後遂相約棄官爲筮人客死異域。計合洲與宋和
郭節而贊之曰。箕子陳範嚴氏隱卜。義有從否。道有宜告。
烈烈英賢。寥寥冥鶴。

梁中節。定海人。未詳仕何官。少好讀老子太玄經。靖難後
與郭良棄官同走出京城。爲道士入山去。

郭良亦不知何官。何處人。靖難後亦棄官爲道士。合贊曰。
駕言導引。笑傲林臯。頽波莫挽。使我心勞。

梁良用亦定海人。父子兄弟八人同仕于朝。靖難後相率
變姓名避去。良用去爲舟師。已而死于水。或曰。梁氏父子
兄弟爲舟師。投水死者五人。贊曰。泛泛栢舟。載浮載沉。中

流善楫，懷我好音。肯欠一死，非名是素。以完我族，庶明我心。

中書舍人何申不知何許人。建文末奉使四川，至峽口，聞金川門不守，發憤慟哭，吐血不數日，疽發背死。贊曰：兩淮洶洶，中作霹靂，義氣憑殷，與之俱激。奸諛過此，寧不惕息。鄭端簡乃爲隱括王子之詞，合而銘之曰：今吾故吾，知我者誰。瘠若漆身，希蹤采薇。戢戢潛龍，寥寥冥鷗。豈吝其嗜，而甘漢卜。山隈水滸，天涯海溲。會其可逢，鼓以南音。肯欠一死，以明我心。白霓晝見，虞淵沉沉。孰阿護此，悠悠古今。嗟乎，靖難時死者無慮千人，朱張林黃諸君子，百方搜考。

僅得百餘人。此二十餘人者，幸而不死，又得好義者密錄其姓名，藏之蕭寺秘處，歷百餘年，而王詔始見之。縉雲鄭僖爲識其事，竟以紙字磨滅，故僅得九人，其十一人不可考矣。

太監吳公

太監吳亮，建文中中官也。建文焚官，遜去。文皇疑匿僧溥洽所，永樂四年，以他事禁錮溥洽，命胡給事漢以訪張邁，邁爲名遣。太監鄭和等下西洋，徧物色之，不得。正統七年，有僧出自田州，土官所來，至廣西藩司，自稱建文皇帝。曰：我自蜀入滇，遊方到此，今我老矣，欲送骨歸故鄉，官司

奏上送入京稱老佛寓大興隆寺京城內外僧拜謁不停
咸曰是海外高僧科道官恐惑衆上言請下獄朝廷不
忍以亮曾侍建文使往審問老佛見亮卽曰汝吳亮也亮
答不是曰我昔御便殿食子鵝棄塊肉在地汝時手執壺
狗銜之何謂不是亮伏地哭不能仰視復命畢自經死遂
取老佛入西內卒葬西山不封不樹鄞人黃潤玉有學行
爲廣西提學親見建文跌坐藩堂曰我朱允炆也長身巨
鼻聲如洪鐘

編修程公

程濟朝邑人以明經爲岳池教諭岳池去朝邑數千里

寢食朝邑而治岳池學事不廢建文初上書曰某月某日西北兵起朝廷謂非所宜言繫至京將殺之召入見仰面大呼曰陛下且囚臣至期無兵臣死未晚遂下獄已而果兵起赦濟爲翰林編修克軍師護諸將北行徐州之捷諸將樹碑叙戰功及統軍者姓名濟一夜潛往祭碑人莫測所以後文皇過徐見碑大怒趣左右以鐵椎椎碑再椎遽曰止止爲我錄碑文來已而按碑族之諸將無得脫者濟名姓正椎脫處得免及淮上諸將敗建文乃召濟還京濟初與同邑人高翔並以明經徵翔厲名節濟好術數翔止濟勿爲此濟不聽已而有兵事濟又勸翔學我術

翔曰。我願爲忠臣也。金川門破。翔招濟同死。濟曰。我願爲
智士也。翔竟死。建文急召濟入問計。濟曰。天數已定。唯有
出走免難耳。立召僧爲建文落髮。濟從走。每遇險。濟輒以
術脫去。相從數十年。後隨建文至南京。人尚識濟。至京莫
知所終。

御史高公

高翔。陝西朝邑人。洪武中以明經爲御史。所論奏皆當。

上心靖難後。上召翔。翔服喪服入見。大哭語又不遜。遂
族翔。沒其產。諸給高氏產者皆加稅。曰。今世世罵翔也。親
戚悉戍邊。又發其先墓。雜犬馬骨焚灰揚之。而以其地爲

漏澤園

李宏甫曰高公雖與程公同邑相善但高貴死忠程貴
智免此兩公所以自謂不同也然高欲死忠固也若程
者判以其身從君逃難至滿數十載其忘家忘親忘身
之忠又如此固人臣之大忠也何得自以爲不同也夫
一以殺身爲忠反使族屬之親祖考之骨亦不得免一
以智術爲忠乃能致其主脫走逍遙於物外老送歸闕
還葬西山是何心之最忠慮之最遠所全最大也嗚呼
吾願世之爲臣子者心最忠而世卒莫能知以是爲忠
之大云

長史劉公

附 子 穎

劉璟字仲璟其父文成公伯溫也弱冠溷濡經傳喜談兵究極節略握奇諸書偉貌豐髯議論英發蹏賊葉丁香叛延安侯唐勝宗討之決策於璟破賊還薦璟才略上喜曰璟真伯溫兒矣召見璟謂曰朕欲汝日夕左右惟閤門使如儀禮司立百官上官達爲職處爾無逾此官者遂授之賜第馬衣帶金書除奸敵佞四字於鐵簡賜之且命曰百官敢有不法汝持此糾正會谷王封宜府謂侍臣曰谷王年少誰可羽翼王者諸大臣故忌璟對曰閤門使劉璟忠勇果敢可任上領之授谷王長史并勅提調肅遠

慶寧燕趙六王府事璟嘗至燕。文皇與璟奕，璟勝。文
皇曰：卿獨不少讓。我耶？璟正色曰：可讓處，璟不敢不讓。不
可讓處，璟不敢讓。靖難兵起，璟馳還京，獻十六策，不聽。令
參議李景隆軍事。景隆又不聽。景隆戰敗，璟夜半渡蘆溝，
河水陷，馬斃。璟力破水，跳躋岸，冒雪走良鄉，趾裂跛，行三
十里。璟子穎自大同赴難，越良鄉，至涿州，遇璟。翼璟上馬，
奔還家養疾。建文三年，璟輿疾赴闕，進聞見錄千萬言，又
不聽。令璟還家待用。明年六月，建文既遜位，璟稱疾不起。
法官論璟逃叛，逮至京，見上，猶稱殿下，且云：殿下百世
後，逃不得一箇字。下詔獄，辨髮自經死。法官希肯緣坐其

家。上不許得歸葬。嘉靖乙酉，提學副使萬潮肖像配享文成祠。

國子博士王公

附子祿

王紳，字仲縉，學士禕之子。年十三，穎敏過人。宋濂一見奇之，曰：華川有子，洪武十五年蜀王禮聘教授蜀郡，紳痛父遺骸未返丘隴，白王走雲南，慟哭行求，不能得，卽奠死所。仰天一號，幾絕。滇人感愴，稱王孝子。時雲南布政使張統重紳純孝，爲作帛王翰林文。建文卽位，以薦召爲國子博士，預修高皇實錄，與方孝孺友善，嘗尊孝孺爲百代儒宗。建文元年，紳上言父死節狀，且曰：陛下方隆孝治，而明

詔又有旌表節義之條。正微臣得展情事之時。先臣志節
獲伸之日也。下翰林定議降制。特贈諱翰林院學士奉議
大夫諱文節開國以來文臣有諱自禕始也。時蹇義被拔
擢而好與時浮沉。紳士書勅之曰。執事方負天下重望。治
否安危實係於進退。去取之是非。而所任非其所長。所職
非其所事。位高于器。則有覆餗之患。才過于職。則有積薪
之譏。非其才而強委之。至於僨事。則是執事欲爲尋常無
聞之人而不可得。况敢望其逸樂優游。而與時俗上下乎。
義得書極憾之。建文二年卒。年四十有一。子稔字叔豐。少
有志行。壯力問學。性至孝。紳痛念父沒。食不兼味。稔遵教。

子孫相承數十年不變。父母喪三年酒肉不入口。卒年五十九。門人私謚曰孝莊先生。稔初從學孝孺。靖難後嘗欲與孝孺表姪鄭珣至聚寶門外負其遺骸歸葬不可得。坐逮繫獄。文皇念稔忠特宥之。且用稔。稔瘳疾終其身。讀書青巖山下。稔與童景庸書言痛念遜志名蹟日就湮沒。欲執事與令兄商確搜輯其學行幽潛生存始末爲家傳行狀以傳同志有愛慕之心者自然默識而謹藏之矣。稔遂輯方氏遺文爲侯城集後百年始傳。

李卓吾曰王忠文之子若孫真忠文之子孫也。劉誠意之子真誠意伯之子也。快人哉。余獨怪誠意善天文知

難星正過急勸。上登別舟以免，而不知已之難星在胡惟庸頭上來，何也。豈老星官亦但能知人而不能自知邪？要之總不若姚恭靖老禿，卒以僧錄司善世終其身。我見其十六年於朝，隨班行禮，賜出官人，不辭亦不近。嗚然一比丘，以故絕無兔死狐烹之疑，又何待泛舟五湖與夫勞勞攘攘，欲從赤松子學辟穀事乎？意者必如姚而後可稱善始善終，而善於天文乎。

翰林侍書宋公

宋暉字子夷，文憲公孫也。暉父璠，中書舍人，暉思紹父學，專心力學，書益工。建文卽位，念濂爲興宗舊學之臣，乃遠

處蜀召懌入翰林爲侍書與劉彥銘朱思平及濂門人樓
璉鄒楷皆見擢用永樂十年濂孫情坐鄭公智黨刑部侍
郎張本請罪情文皇曰濂名儒開國時事皇考有勞
原情勿問

熙朝名臣實錄卷八

秣陵 焦 竑 輯

太師蹇忠定公

事

孝陵 景陵

長陵

獻陵

公名義字宜之、初名璠、巴人也、洪武十八年進士、授中書舍人、一日、上顧公問、汝蹇叔後乎、卽書義字、賜公易名、

一考當調命滿九載曰、朕且用義、建文卽位、知太祖

欲用超陞公吏部右侍郎、靖難後轉左、逾月、陞尚書、代張統當是時盡改、建文諸例、一復洪武之舊、公從容爲

上言、上喜公忠實、或遂譖公不忘、建文、上不聽、永

樂二年兼詹事、上欲諭太子、率令詹事往導意、太

子尤愛重公。七年巡北京。佐太子監國。諸王及遠夷奏

請詣行在所。餘悉啓。太子處分。九年與夏公同考滿。

賜宴勅獎諭。十七年父喪歸。起復詣北京謝遣中官護還。

京。明年從太子朝北京。十九年三殿災。特勅廷臣二十

八人。巡行天下。公及給事中馬俊巡應天諸郡。問民疾苦。

以察陟斥文武吏出太甚者數人。還吏部。二十年上北

征還。坐東官事。與西楊頌繫錦衣衛。尋釋。獻陵卽位。首

進公少保。兼尚書。支二俸。歷進少傅。少師。賜公等繩愆

糾繆。銀圖書各一。諭曰。朕有過舉。卿卽具疏。用此封識。

及黃文簡公誥草。上特增二語。曰。勿謂崇高而難入。勿

以有所從違而或怠又面諭曰此朕實心未幾又製寒忠
貞印賜公公重厚不敢專斷每承顧問常持兩端不能決
西楊謂公過思公應曰事不熟慮恐後有患上笑曰義

士奇所言皆是東楊或詆公語聞上上不直東楊公
頓首言禁無他卽左右有讒禁者願皇上慎察上笑

曰吾亦不信偶言及耳宣德初從征漢庶人軍中進止多
從公時議赦交趾公及夏公力言祖宗疆土不可棄

上不聽命擇人使交趾公欲薦伏伯安西楊語夏公伯安
不可使公當楊前力爭當是時上尤信夏公比召諸大
臣入議公薦伯安上顧原吉云何對曰不可公曰伯安

有口才羣臣不及。上又顧問士奇云何對曰伯安有積行無學議遣使必辱國。上從二人言不遣伯安公亦不以二人爲異已宣德三年秋從巡邊還。上顧蹇少師老不欲煩以事敕曰卿事祖宗積效勤誠朕嗣統允資贊輔今春秋高尚典劇司非所以優老待賢唯師保官寅亮爲職可輟吏部務朝夕在朕左右討論至理共寧邦家其專精神審思慮益致嘉猷用稱眷倚老成之意明年夏郭進代公尚書又賜公忠厚寬弘銀章一七年秋令有司治公第八年一品九年賜宴禮部公生日賜鈔萬馬一。祿陵卽位日公齋宿得疾越五日卒年七十三贈太師謚忠

定公孝友質實和厚。入有量未嘗一語傷物。歷事六朝凡五十年。貴而能謙。富而能約。上前所言未嘗退以語人。在吏部尤慎擇郡守。考察明恕。不苛不縱。公子英。荃皆尚寶司丞。長陵卽位之歲。至成化丁亥。凡六十六年。吏部尚書四人。公及郭公兩王公。而何公協佐者不與焉。自後至正德終五十四年。凡更十八人。而尹公最久。十四年。

太師夏忠靖公

學

孝陵

長陵

獻陵

景陵

公名原吉。字維詰。湘陰人。鄉薦。遊太學。選入禁廡。書誥。授戶部主事。尚書郁新奇之。與商確。諾司事。劉郎中者忌公。

會幼諸司怠事者。上曰宥之。新請必罪。上怒新。問誰教。

汝新免冠謝得已。劉郎中因奏。果人教尚書者。意中公。

上問新爲誰對曰。堂後書算生。教臣。臣愚過聽。萬死。上

下書算生獄。劉郎中又奏。公專尚書柄。言前事實。原吉放

尚書。上曰。聞原吉能佐尚書。汝顧欲陷原吉耶。劉郎中

與書算生皆棄市。建文卽位。逾月。陞戶部右侍郎。明年充

採訪使。巡福建。未幾移鎮。浙州。靖難後。轉左。或言公建文

用事人。不宜大用。上曰。原吉忠於。太祖。以故。忠於建

文。又豈不朕忠耶。逾月。進尚書。永樂元年。吳浙大水。公行

視水。遣僉都御史俞吉。賜公水利集。累遣侍郎李文。節大

理少卿袁復陝西叅政宋性佐公公言浙西諸郡蘇松最
居下流常湖嘉三郡土田高多下少環以太湖綿五百里
納杭州宜歛諸山水注潑山諸湖入三泖項浦港溼塞漚
流漲溢傷害苗稼極治之法宜浚吳松諸浦港泄其壅淤
以入於海吳松江袤二百餘里廣百五十餘丈西接太湖
東通海前代屢疏以當潮汐沙泥淤積旋疏旋塞自吳江
長橋至下界浦約百二十餘里雖稍通流多有淺窄又自
下界浦抵上海南倉浦口可百三十餘里潮汐壅障茭蘆
叢生已成平陸欲卽開浚工費浩大且灑沙淤泥浮泛動
盪難以施工臣等相視得嘉定劉家港卽古婁江徑通大

海常熱白茆港徑入大江皆廣川浚流宜疏吳松江南北
兩岸安定等浦港引太湖諸水入劉家白茆二港使直注
海松江大黃浦乃通吳松要道下流壅塞難卽疏浚倘有
范家瀆至南倉浦口可徑達海宜浚令深濶上接大黃浦
以達泖湖之水此卽禹貢三江入海之跡俟旣開通相度
地勢各置石閘以時啓閉每歲水涸時修圩岸以禦暴流
上從之役夫凡十餘萬公布衣徒步日夜經畫盛暑揮蓋
歲饑奏發粟三十萬石賑濟二年還朝復出治水水洩農
田大利召還部時賞功封建征夷下番營北京費億
計皆取辦于公從上北巡兼掌行在吏禮兵部都察院

事八年。上北征，輔太孫留守北京，總理行在九卿事。

諭曰：朕以房玄齡視卿，公旦入朝，獨近展前，參決機務。朝退，郎官御史環請事，公口應手判，不動聲色。駕還，扈還。

京，尋令侍太孫周行鄉落，取壘忝進。太孫曰：願殿下

味此。九年，滿考宴便殿，諭廷臣曰：原吉高皇養成賢德，

欲觀古名臣，此其人矣。命與姚廣孝監修國史。十一年，扈

北巡，侍太孫居。上營後十四年，侍太孫還南京。十

五年，從幸北京。十八年，官殿成，命召太子。太孫于南

京。十九年，三殿災，詔求直言。言者輒云：都北京不便，主

事蕭儀言尤峻。上怒殺儀，曰：吾與大臣密議數月，言還

都便言官遂劾諸大臣。上跪言官大臣午門，難遇。

害都御史陳瑛罵言官白面書生，不知大計。上令左右

問衆議云：何公曰：臺諫職言路，且應詔陳言，臣等備員大

臣，不能協贊大議，臣等萬死罪。再問對如初。上說盡釋

言官大臣。上御便殿闕門，每召公語移時，左右莫得聞。

退則恟恟若無預者。交趾平，上問陞賞孰便，對曰：賞費

於一時有限，陞費於後日無窮。上從之。法王來朝，上

欲郊勞，公以爲不可。法王見便殿，命公拜，又不肯拜。上

笑曰：卿欲效韓愈耶？過侍郎楊勉之遠矣。十九年，上議

征虜，公力諫。上怒，繫內官監籍其家，竟北征阿魯台及

兀良哈、明年又征阿魯台、又明年北征還、至榆木川、不豫、
顧左右曰、原吉愛我、上訃至、太子走公繫所、呼公哭、
曰、楊榮至、父皇實天矣、公伏地哭不能起、太子卽位、
復公戶部尚書、會母喪乞終制、上曰、卿老臣、宜共濟艱、
難、卿無母、我有父乎、如卿辭職、朕亦不當在此、不允立、
太子兼太子少傅、尋進少保、兼太子少傅、尚書如故、支三、
俸、固辭、許辭、太子少傅、俸、洪熙元年冬、無雪、上作憂民、
吟、授公和、賜田五頃、建第兩京、李時勉廷諍激、上大怒、
言時勉當朝辱朕、公曰、時勉小臣、豈能損聖德、願少霽天、
威、下法司議罪未晚、太子去南京、上崩、昭皇后命

公急迎 太子 太子將至羣臣郊迎 后留公佐襄王

居守 太子既即位時時密咨公或袖小帖付公公亦時

時有所白宣德元年漢庶人反指公徵赦租爲奸臣首

上夜召諸大臣議公免冠頓首曰臣罪當死 上曰彼借

卿爲兵端耳命坐屏左右密議東楊首勸親征 上難之

顧公對曰往事可鑒得此一二實決臣見所遣將語臣兵事慄泣臨事可

知兵貴神速卷甲趨之所謂先人有奪人之心也禁言是

上意遂決師臨城庶人猶令人繞城罵公三年賜範金銀

印曰令弘貞靖曰謙謙齋曰後天下樂從巡邊還 上念

公老勅輟部務俾專論道左右明年夏召郭資代公是冬

從閱武郊外公生日 上繪壽星圖爲詩賜公五年春卒

贈太師謚忠靖復其家朝議公宜昭伯西楊不可後二年

郭資卒得贈湯陰伯公天性寬平酌大體略煩苛以故雖

數興大役供餉贍給而民不騷騷入無識不識皆謂公君

子長者呂震嘗 上前短公柔奸震爲子求官 上問公

公稱震有守城功陳瑄靖難初欲殺公公力薦瑄才總漕

運周忱爲長史或薦爲郡守公言郡守不足展其才忱得

陞侍郎巡撫當是時寒夏齊名寒公簡重夏公弘裕外兼

臺省內參館閣三十年間民安吏治有古大臣之風

監修 太祖 成祖 仁宗三朝實錄 太祖實錄凡三

七
修建文中徐輝祖監修永樂初李景隆監修再公監修解
學士表公治水東南有功吳人尸祝之正統間勢家奪水
利溝防盡壞周文襄公治之繞十餘年又壞景泰中李侍
郎敏治之弘治中又壞徐侍郎貫又治之正德末又壞李
尚書克嗣又治之

太保黃忠宣公

事

孝陵

長陵

獻陵

景陵

裕陵

公名福字如錫昌邑人鄉貢士爲項城主簿改清源有惠
政遷金吾前衛知事陞龍江衛經歷洪武中上言論大計
上奇公三十一年四月超陞工部右侍郎靖難後李景隆
指公爲齊黃黨公厲聲言臣罪固應死但目爲奸黨則臣

心未服。上不厭其官，尋轉左。逾月陞尚書。永樂三年，都御史陳瑛劾公不恤工匠，改北京行部尚書。四年，征交趾，公及大理卿陳洽轉軍餉。旣郡縣交趾，公以尚書兼掌布按二司事。公視民如子，勞來安輯，躬勤不倦。又戒郡邑吏專意撫字，曰：「新造之邦，新附之民，政令條畫，並宜寬簡。中朝士遷謫至者，咸見溫恤，問疾涸貧，禮賢雪罪，兵民咸悅，夷蠻欣附。中官馬騏怙恩肆虐，誣公有異志。」上曰：「此君子不容於小人也。」不問。獻陵卽位，召還，曰：「卿老成人，久勞於外，朕亟欲見卿。」公在交趾，凡十九年，及還，爰人扶携走送，號泣不忍。別宣德九年，騏激交趾反，時洽以兵部

尚書代公累奏乞公還撫交人。會公持節出封親藩。即日召還勅曰：卿遣愛在交。交人思卿，卿強爲朕再行。昔先帝念卿萬里召還，輔朕，朕亦不欲遠卿。顧遐方新附，終始勞卿安輯，以工部尚書兼詹事，出領交趾藩臬事。比至，柳總兵敗死，公亦被賊執，賊驚下拜曰：公不北歸，我曹不至。此饋白金餼糧，肩輿衛送出境。至薊州，公盡取賊道歸官。還京爲行在工部尚書。四年，與平江伯計潛事。五年，公請於濟寧以北，衛輝真定以南，近河地役軍民十萬人屯田積穀，省漕粟。下行在戶兵部議，郭資張本言緣河屯田便事竟不行。七年，上官中覽公言漕事便宜，真公有經略。

出其章示西樞曰。福言智慮深遠可行。六卿中誰倫。對曰。福受知。太祖最先大用。今六卿中。鮮及福者。永樂初。建北京行部。命之綏輯凋瘵。及得交趾。命總藩憲。安新附。具有成績。才德兼備。有大臣體。今年七十矣。諸後進少年。高坐公堂。理政事。享安佚。出入與馬。騎從揚揚。福四朝舊人。乃朝暮奔走道路。勞瘁不已。殆非國家所以優老敬賢之道。上曰。非汝不聞此言。西樞曰。南京根本重地。先帝以儲官監國。今宜用福。南京福老成忠直。緩急可倚。上曰。然。明且遂命吏部改南京戶部尚書。明年兼掌南京兵部。裕陵卽位。加少保。叅贊機務。留。都。有。文。臣。叅。贊。機。務。

自公始公每事先籌定付襄城伯○二付○體○襄城伯亦敬信公比視事皆襄城伯處分公不出一語或以爲言公曰汝見守備何嘗一事錯時以公議復設提學憲臣○提○提○學○自○公○始○正統五年卒成化初贈太保謚忠宣公秉心正大義利介然天下士大夫無論識不識皆知其爲君子斥奸闢諛無所顧忌憂國忘家老而彌篤俸賜分贍族姻屬續之日室無百緡

少師金忠襄公

公名忠，鄞人，少慷慨負義氣，兄戍通州，公省兄，靖難兵起，公布衣田冠，上謁典儀云：浙東奇士金忠願見殿下說兵事，及中朝動靜，得召見，言殿下太平，皇帝小人耕

江海間及來往齊魯道上，聞殿下賢譽，服人心久矣。茲舉大事，人材爲急。戊祖說立，授署紀善，日侍帷幄，贊理戎務。尋陞署長史，已爲真。靖難後，陞工部右侍郎，治事北京。永樂二年，召入兵部爲尚書。公博覽史籍，議論河懸，儲位未定。上密問公，歷數古昔適孽故事對。上喜，賜公大鏡。又曰：詹事官端汝以尚書兼詹事，幸善調護。太子公侍。監國時，時勸起孝敬，篤友愛，小心敬慎，無失禮。駁譽禍福聽諸天，或譖謗廷臣及宮寮過者。上密令公察審。公退，每數日頓首，再三爲白，無是事，願陛下寬宥。上或不喜，卽又頓首言，臣敢保其無他。他日有跡跡，卽如人

言臣甘連坐以故諸所獲全者多人亦不知也公每導人寬愛無爲苛刻公事輒推同官使展其才能有闕誤引爲已過不遺片善不念舊惡俸賜有餘周賑鄉族 太子卽位念公贈少師諡忠襄

少保陳節愍公

事

孝陵

長陵

獻陵

公名洽武進人謹敏有才識洪武中薦布衣善書授兵科給事中憂去建文中起復文選郎中靖難後陞右侍郎轉左改大理卿討交趾出叅軍兼給餉交趾李巖將士功罪建授土官經理兵食分守隘塞皆中節適陞東都左侍郎是時黃尚書兼掌布按兩司事洪熙元年召黃尚書還公

代兼兩司仍參軍事未幾內官馬騏苛歛暴橫交人再叛
攻交州城敗賊去王通復引兵渡江擊賊戰寧橋公言賊
狡有伏誘我不可出通不聽遇賊公奮身力戰不支被賊
執不屈罵賊死事聞上曰大臣以忠徇國一代幾人贈
少保謚節愍官其子樞刑科給事中時交趾布政使戈謙
上言乞褒貶節贈都指揮李任都督同知指揮使顧福劉
順徐騏皆都指揮同知指揮僉事劉安指揮同知正千戶
蔡顯指揮僉事副千戶桂勝正千戶知府諒江劉子輔諒
山易先布政司叅政政平知州何忠府同知內官馮智太
監並復其家交賊獲都督蔡福福至昌江城呼任等降任

罵福叛君賊狗彘不如。與顧福等且守且戰。前後三十餘戰。輒破賊。賊益兵象攻。九閱月。糧盡泉困。賊雲梯登城。奪其門。任復率死士三戰三敗賊。賊擁兵象大進。不能支。任福皆自刎死。智順自縊死。城中人不肯降。死者數千人。子輔。廬陵人。以太學生爲御史。持身謹行。儉約如布衣。用法公平。不見喜怒。巡浙江。有風裁。陞廣東按察使。坐累。左遷守諒江。撫民如子。民亦愛戴。子輔。賊攻城。勢猖獗。旁郡縣皆陷。子輔獨死守。援久不至。食盡。城破。城中兵民盡闕死。不肯降。子輔曰。郡以我亡。義不污賊。自縊死。一子一妾皆先死。何忠。江陵人。進士。爲御史。持正。永樂十九年。三殿災。

言事出知政平州明敏有吏才居州廢慈忠計事上藩司
會寧橋軍敗賊乘勝逼城成山侯諱與賊和且請赦朝
廷賊遣酋陳渭老表謝侯令忠勝同渭老行請益兵征勦
至昌江內使徐訓泄其謀賊拘忠等欲降之忠不聽刀鋸
臨忠不降且銘忠益大罵賊勝不屈忠父子及勝同日死
麒與顛守立溫賊攻城糧盡猶率罷卒固守城陷無一人
屠賊麒顛皆自縊死易先湘陰人國子生爲知府
諒山有善政任滿當還交人乞留進三品祿留諒山城陷
自縊死劉安征交趾有功留官交趾前衛守備又安將還
保東關至富良江遇賊被執安密與衆謀候討賊兵至內

應千戶包宣以告賊，賊將殺安。安與指揮陳麟奮起，奪賊刀，殺數人。自刎，都督蔡福都指揮朱廣薛聚于瓚，指揮魯貴千戶李忠皆伏誅。福鎮守又安，不與賊戰，率廣等降賊。又教賊造攻具，破東關時，有官軍九千餘人發憤，欲劫焚賊營。福又遣百戶牟英告賊，賊盡殺九千餘人，遂攻破員江等城。又輒至各城說降，至清化，知州羅通罵福反賊。宣德三年，黎利歸福等京師，盡棄市，籍其家。又有馮貴侯保爲交趾左右叅政，討賊力戰死。景陵卽位，贈二人左右布政使。

太子太師胡忠安公

事

建文帝

長陵

獻陵

景陵

裕陵

景帝

公名濬，字源潔，武進人。建文二年進士，爲兵科給事中。永樂元年，陞都給事中，戶科。時傳建文崩，或云逸去，諸舊臣多從建文去者。上益疑，遣公巡天下，名訪張儼，儼又名頌書，徧行郡縣，察人心。時又傳建文在滇南，公以故在楚湖南最久。十四年內艱，起爲禮部右侍郎。明年巡江浙。二十一年，巡均襄，還朝會。上駐宣府，公馳夜上謁。上已就寢，聞公至，被衣急起，召入勞公，賜坐與語。公言不足慮也。先公未至，傳言建文蹈海去。上分遣內臣鄭和數輩浮海下西洋，至是。上疑始釋。太子監國，藩王謀奪適造飛語，上命公往察。密疏聞，公具述監國七事，言太

子誠敬孝謹無他。太子卽位轉太子賓客兼祭酒南

未幾閱官中密疏見所述七事大喜謂公忠慎朕不及知

也俄崩。景陵卽位復召爲侍郎禮部兼太子賓客會公

來朝留行在禮部宣德元年進尚書二年賜第給閣三年

賜文恭世家清和恭靖二銀章是秋扈駕出會州明年

夏再扈巡邊沒常豪人田宅盡賜公尋兼詹事六年兼領

行在戶部事公有才猷深厚不洩禮典財賦經畫有章

景陵嘗曲宴公及西楊蹇夏曰海內無虞四卿力也

陵卽位益禮敬公元年失行在禮部印自劾上不問

給行禮部印九年疏引年不允十四年北征留守京師廷

議迎。上皇時王文正公三奏請還宮，和波不索金帛，且

索土地，憂方大耳，衆相顧不敢言。于少保徐曰：「時變方略，我與總戎責也。」俄旅返，賴公有定執，竟上奉迎儀。注景泰元年，楊善使虜，濶言。上皇蒙塵已久，宜晉等進上服食，不報。又請明年正旦朝。上皇於延安門不許。二年，災異乞歸，不允。三年，以太子太傅加少傅，懷獻太子立，進兼太子太師。是年十一月己巳，上皇萬壽節，公乞令百官拜賀於延安門，不許。六月，疾作。又明年，上皇復位，力疾入。一見，請老去。道子長寧來謝。上念公疏屢請，令百官朝廷安門，授長寧官錦衣世鎮撫卒。年八十九，謚忠安公。

平易寬和立朝幾六十年十知禮部貢舉

李贄曰胡忠安之忠大矣當永樂在位之二十一年也

猶未放心於建文之遜去而所托腹心之臣唯忠安一人孰知忠安一日在湖湘則建文一日得安穩於滇粵諸山寺邪留一建文固無損於事永樂之忠而反足以結文皇之寵完君父叔姪之倫今觀公之告文皇直言其無足慮而已嗚呼誠哉其無足慮也公豈欺文皇者哉上疑始釋建文無恙吾故以謂胡忠安之忠大矣說海曰天順初公年八十二以疾乞休其弟克恭克寧克誠並年踰七十蒼顏白髮燕樂一堂遂扁其

堂曰壽愷又曰公初生時髮白如絲彌月方黑是夕母
夢一僧持花入室覺而生公生數日有吳僧至家索公
一見公見僧而笑父問之僧曰此吾先師天池僧也先
師嘗示夢某甲云我今已生胡氏家爾來見我當以一
笑爲記今果然矣

太子少師儀文簡公

事 孝陵 長陵

公名智高密人洪武中薦爲教官知高郵州高郵人皆愛
公曰知州長者陞知寶慶府寶慶人健悍又畏敬公曰太
守不可犯永樂二年遷東宮官陞通政兼右中允未幾陞
湖廣布政使三年入侍郎禮部十一年元旦日食呂尚書

請費如常、公獨爭議不可。上令吏部翰林院擇一老儒侍。太孫明日。太子召問得人未。蹇公及西楊薦公。又曰。人鮮知智者。以故議未決。太子曰。吾嘗舉李繼鼎。大誤。悔無及。如智誠端士。然老矣。西楊稱智起家。學官明理。守正精神未衰。廷臣中老成。正大無踰智者。是日午朝。

上顧太子問曰。侍太孫講讀得人未。太子應曰。禮

部侍郎儀智議尚未決。上喜曰。得人得人。智雖老能直

此○知○智○得○之○矣

言。元旦日食。智執議免賀。智可用。公寬平嚴正。務大體。

尚忠厚。遇事是非。又輒別白。爲太孫陳說不附。會年八

十致仕。

尚書王文忠公

傳

長陵
略陵

家陵

景陵

公名英，字時彥，金谿人。永樂二年進士，庶吉士，入翰林。未幾召公及王直入內閣，書機宜。奏疏五年，授修撰。扈上北巡十四年，進侍講。二十年從征胡，至濶樂兒海，旋師至威虜，命碎李陵臺，驛令牌沉河中，絕虜爭。上顧公喜曰：秀才二十八人中讀書者，朕需爾爲用，宜力勿憚勞。公因言虜遁，幸勿入險窮追。上笑曰：朕爲天下國家計，秀才直不欲黷武耳。又曰：凡軍中一切動靜，或謠言有聞，卽密奏朕。又顧內臣曰：秀才有事見朕，勿阻之。上駐安平鎮，軍中有怨言。上怒，公言此皆壯士，幸宥，北過稍與恩澤。

異日得其死力。上喜，立命兵部尚書李慶給餉及輜。東官卽位，陞侍講學士。又陞右春坊大學士，兼故官支兼俸。明年乞省歸朝。景陵召入便殿，謂曰：「洪武中學士有宋濂、吳沉、朱善、劉三吾、永樂初解縉、胡廣皆有名，汝英慎自勉。」五年，陞少詹事，兼侍讀學士。七年，內艱起復。裕陵卽位，充史館總裁，講官。陞禮部左侍郎，兼侍讀學士。八年，出理部事，領日講。十一年，引年不允。十三年，陞尚書南京禮部。景泰元年卒。謚文安。改謚文忠。公與修文仁。宣三朝實錄、文章典、覽尤善草書，顧直諒好規人過，以故

三楊皆不喜。

八卷

終